

**Uunga siunnersuut: Soraarnerussutisiaqarnissamut aaqqissuussinermut pinngitsoorani
ilaanissaq pillugu Inatsisartut inatsisaat nr. xx, xx 2016-imeersoq
Aningaasaqarnermut Aatsitassanullu Naalakkersuisumit saqqummiunneqartoq**

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

**ILASSUTITUT
ISUMALIUTISSIISUTAA**

Ulloq 31. oktober 2016-imi inissitsiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq
Inatsisartunut ilaasortaq Randi V. Evaldsen, Demokraatit, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Jess Svane, Siumut
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Bendt B. Kristiansen, Inuit Ataqatigiit

UKA 2016-imi ulloq 20. oktober aappassaaneerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Inuit 18-ileereersimasut Kalaallillu Nunaannut tamakkiisumik akileraartussaataasut soraarnerussutisiaqarnissamut aaqqissuussinermut pinngitsooratik ilaanissaat siunnersuutikkut atuutilersinneqassaaq. Inuilli ukiumut 100.000 kr.-it ataallugit isertitaqartut siunnersuummi ilaatinneqanngillat. Siunnersuuteqarnermi anguniagaavoq pisortat aningaasaqarnerata attanneqarsinnaanissaanut ikorfartuinissaq aammalu siunissami soraarninngorumaartussat inuuniarikkut atugaannik pitsanngorsaanissaq.

Aningaaserivimmi Kalaallit Nunaanni angerlarsimaffeqartuni imaluunniit aalajangersima-sumik ingerlatsiveqartuni soraarnerussutisiaqarnissamut aaqqissuussinernik pilersitsinissaq pillugu isumaqatigiissuteqarnissamut Naalakkersuisut periarfissinneqarnissaat pingajussaa-neerneqarnissaanut Naalakkersuisut allannguutissatut siunnersuutaani siunertarineqarpoq.

Naalakkersuisut isumaqarput tulluurtuusoq, soraarnerussutisiaqarnissamut niuerfimmi sulia-qartuni arlalinni soraarnerussutisiaqarnissamut aaqqissuussinernik pilersitsinissamut isumaqa-tigiissuteqarsinnaanissaq periarfissinneqarpat, tak. aningaasarsianit akileraarutit pillugit Inat-sisartut inatsisaata allanngortinneqarneranik Inatsisartut inatsisissaattut siunnersuut UKA16-imi (UKA 2016/22). Tamanna aamma atuuppoq, inatsimmi § 7, imm. 5-imi inuit pineqartut pillugit Naalakkersuisut soraarnerussutisiaqarnissamut aaqqiissummik isumaqatigiissuteqar-nialerpata.

2. Siunnersuutip Inatsisartunit siullermeerneqarnera

Siunnersuut siullermeerneqarami ataatsimiititaliamit suliarineqartussanngorlugu innersuun-neqarpoq, taamaalillunilu siunnersuut pillugu isumaliutissiissuteqartoqarluni. Ataatsimiitita-liap isumaqatigiittup isumaliutissiissummini siunnersuutip akuersissutigineqarnissaa inassu-tigaa. Siunnersuut pingajussaaneerneqannginnermini ataatsimiititaliamut suliarineqaqqittus-sanngorlugu innersuunneqassasoq ataatsimiititaliamit isumaliutissiissummi kaammattuutigi-neqarpoq, taamaaliornikkut allannguutissatut siunnersuut Naalakkersuisunit saqqummiunne-qalersaartutut ataatsimiititaliamit ilisimaneqartoq ataatsimiititaliamit isummerfigineqarsin-naaqqullugu, taamaalillunilu Naalakkersuisut ataatsimiititaliap apeqqutaanut akissutaat ataatsimiititaliap siunnersuummik suliarinninneranut ilanngunneqarsinnaaqqullugit.


3. Ataatsimiititaliap siunnersuummik suliarinninnera

Naalakkersuisut pingajussaaneerinissamut allannguutissatut siunnersuutaat ataatsimiititaliamit misissorineqarpoq, ataatsimiititaliarlu apeqqtissaqanngilaq. Aaqqissuussinerit ajornaatsuunis-saat soraarnerussutisiaqarnissamullu ileqqaagaqartunut annikitsuinnarmik aningaasartuutaa-nissaat aammalu soraarnerussutisiaqarnissamut aaqqissuussinerup sillimmatinik annikin-nerusunik ilaqartinneqarnissaa Naalakkersuisunit pingaartinniarneqarmat ataatsimiititaliamit pitsaasutut isigineqarpoq.


4. Ataatsimiititaliap inassuteqaatai

Tamanna tunngavigalugu siunnersuut Inatsisartunit akuerineqassasoq **ataatsimiititaliamit isumaqatigiittumit inassutigineqarpoq.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.



Jens Immanuel, Siulittaasoq




Randi V. Evaldsen




Peter Olsen




Nikolaj Jeremiassen



Jess Svane



Ane Hansen



Bendt B. Kristiansen